

# Ein sermō. D. M. L.

In welchem gründlich wirt be-  
zeugt / das ein ytzlichs Chri-  
sten mēsch / vō got macht  
vñ gewalt hab / zu vrtey-  
len alle menschen leren  
so vil sie die gewissen  
Belangen.

Attendite a falsis prophetis  
Math: viij.



Hist. eccles.

E.

288,10

Antagon. Luth. K. 22.



*[Faint, illegible text, possibly bleed-through from the reverse side of the page]*

*[Partial view of text from the adjacent page on the right]*



# Attendite a falsē prophetē ꝛc.

Das Euangelium beschreibet Sandt Matheus Am xij Ca:  
vnd lauttet also/ Der herr Ihesus sprach zu seinen  
Jungern/hüttet euch vor den falschen  
Propheten.

**D**er her in disen drey  
en gemelten Capittel. Als in Sunfften vñ Seche  
sten vnd in dem Sißenden auß gelegt het die ge  
pot gottes/hatt er entlich beschlossen also/was Ir wollet das  
euch die menschen thuen sollen/das selb thut yn auch/das ist  
die rain Christlich lere/darumb folget nun das Euangelium/  
in welchen er pflegt/das ampt eines guten hirten vnd lerers/  
vnd warnet das wir vns hütten sollen vor falschen leren/Als  
solt er sagen/Ir habt nun die recht lere daruß hyn furt so huet  
euch vor andern leren/dan gewiß ist/es werden böse lerer vñ  
falsch Propheten auff steen/wan das wort gepredigt wirdt/  
das mögen wir frölich erwegen/das die beyde/als recht gutt  
lerē/vñ falsch verfuereḁ leren werde/vmher mit einand gehn  
Es ist von anbegin also gewesen/vnd wirdt also beleiben biß  
zu end der welt/darumb ist nichts/das wirs in rue wöllen stel  
len vñ in ein sichers wesen/Wan die bösen menschen/d̄ teüfel  
mit all vnsern feindē steen vns wider an vnderlaß Also habē  
wir nicht alles zu erstreiten/vñ sindt noch nit vber den bach  
darumb vermanet vns der herr vñ spricht Attendite a falsis.  
Hüt euch vor denn falschen Propheten/da solt ir wol fassen/  
den punct d̄ses texts/das der herr Christ hie befilcht/vnd  
macht gibt/allen Christen/richter zu sein/vber aller ler vnd ge  
walt haben zu ortern ob sie recht sey/das stuck ist bey den fals  
chen Christen nun ietz vorrücket.



# Auctoritas iudicandi.

¶ Es ist wol Tausent iar / das wir nicht haben macht gehabt  
zu vrteylen / sunder haben ein müssen nemen als gerecht / alles  
das der Papst vnd Concilia / bestimpt haben. Aber das ist dz  
Euangelū / welches das Babstumb vñ alle Concilia zu grūdt  
vnd zu boden stoffet / da mit wir nicht schuldig zu halten seyn  
was der Babst gebeutet / oder menschen setzen / darumb sage  
ich noch ein mal / fast dises Euangelium wol / dan es ist wed  
dem Babst noch dem Concilien / noch niemants auff erden /  
der Befelch zu geben / das er setz vnd beschließ was zu gelaubē  
sey / vnd d herr spricht hütet euch vor yn Das Euangelium  
muß ligen / oder der Babst mit den Concilien / dan der Babst  
spricht / wir allein haben zu vrteylen wos du dich halten solst /  
Aber Christus redt nicht allein zu dem Babst / sunder zu allen  
vnd gleich wie dise wort oben zu allē gesagt seint was ir wolt  
das euch die andern thuen sollen 2c. Also begreifen auch dise  
wort alle menschen niemāt außgeschlossen / Hütent euch vor  
den falschen propheten 2c. Sol ich mich nun versehen vnd  
erkennen die falschen leere / so steet das vrteyl bey mir / dan ich  
sagen mag / Babst du hast das beschlossen oder die Conciliē  
nun hab ich noch ein vrteyl das ichs an nemen mag oder nit /  
dan du wirst nit fur mich streitten noch antworten wen ich  
sterben sol / Sonder ich muß sehen wie ich daran sey / das es  
gottes wort sey als gewiß als du lebst vnd noch gewiser / dar  
auff du dein gewissen stellen kanst / ob schon alle menschen ke-  
men. Ja auch die engel vnd beschließen kanst du das vrteyl  
nicht selbst beschließen vnd selbst vrteylen so bist du verloren  
Den du mußt dein vrteil nicht stellen / auff den Babst oder auf  
die anderen / sunder mußt selber so geschickt sein das du mogst  
sagen / das ist recht / das ist vnrecht / sunst käßt du nicht besteen  
ist nicht möglich / dan wenn du im todt bette woltest sagen /  
der Babst hat das gesagt / die Concilien haben das beschlossen



Die heyligen vatter / Augu: Ihero: 2c. haben das bestimpt /  
do wirt der teuffel als baldt ein loch born / vnnnd ein prechen /  
wie wens falsch wer / habē sie nit mögē irren: So ligstu schon  
ernider Darumb mustu an allen zweyffel wissen das du spre  
chen käft / das ist gots wort do stee ich auff / Das maint auch  
Sandt Peter do er in seiner Epistel sagt. So yemandt redet /  
das ers rede als gottes wort 1 Pet: 4. also auch Paul<sup>9</sup> in dē  
Corinthern / Mein ler vnd predig ist nit geschmückt mit klug  
gen Worten vnd menschlicher lere vnnnd weißheyt / sonder in  
gottes krafft / auff das vnser gelaub nit stee auff menschen  
worten / sunder auff got 2c So heben sie den an vn sprechen /  
Ja wie können wir wissen / was gottes wort ist / oder w3 falsch  
oder recht ist / wir müssen es lernen vō den gelerten / vō Babst  
vn von den Concilien: Wolan laß sy beschliessen vn laß sie sa  
gen was sie wollen / Da käftu aber dein zuuersicht nit dar auff  
stellen / noch dein gewissen befrieden es gilt dir deinen halß / es  
gilt dir das leben / darum muß dir got ins hertz sagen / das ist  
gottes wort sunst ist es vnbeschlossen also mustu gewiß sein /  
bei dir selbst / außgeschlossen all mēschen / Aber vnser Bischof  
Cayphas Pilatus vn Herodes / die dringen so hert darans /  
das einer möcht dencken sie weren vnfinnig bringen da mit  
Sant Augustinus spruch her / do er spricht Ich gelaubt dem  
Euangelio nit / wañ mich nit bewegte der Christenheyt groß  
ansehen / vn meynen also sie habens schon gewonnen. So saget  
aber got / es sag Augu: oder Gabriel vō hymel Peter od Paul  
das ist noch wol mer / Ich muß gottes wortt haben / darumß  
wilich noch / S. Peter oder Paul reden nicht ire wort / sonder  
gottes wort / Wie S Paul<sup>9</sup> selbst sagt. 1 Thess: 2. Ir habt nit  
vō mir menschen wort empfangen / sonder das war wort got  
tes / Was denē? Audiam quid loquatur in me de min<sup>9</sup>. Psal:  
84. Ich wil hören was mir gott sagt / weñ der schweyget / so  
ists vngesprochen / Das wort kan man mir wol predigē / aber  
das wort in den grundt des hertzen / kan mir niemants geben  
an got / Darumb das wort das mich got lert / da laß ich mich  
nit von dringen / als weñ man spricht dreu vnd zwey machen  
2 iiij

Got gibt das  
wort christen  
aus hertz



fünffe/das ist gewiß vñ öffentlich/Wen alle Concilia anders  
Beschlüssen/so weiß ich dennoch das sie liegen. Ein eele ist len-  
ger den ein halbe/ob schon alle welt darwid were/so weys ich  
denoch das vnrecht ist/wer beschleuß mir das. kein mensch  
sonder die warheyt/die ganz vñ gar gewiß ist. Daruß muß  
du dar zu kumē das du sagest/das ist also/Kein mensch solt  
mich darno bringen/Wen du hörst Du solt nicht tödten Du  
solt deinem nechsten thun/was du geren wölthest haben. da  
mußt du wissen an alle Concilien das diß die eere gottes ist. ob  
gleich alle menschen anders sprechen. Also auch kanst du dir  
selbst nicht helfen/sonder Christus ist dein helffer vñ erlöser/  
Der macht das dir dein sündt vergeben sindt/das mußt du fü-  
len vñ bekennen in dein hertzen/fülstu das nit/so gedencke nür  
nit dz du den glauben habst/sunder das wort hengt dir nach  
in den ören vñ scheümet dir auff der zungen/wie der schaum  
auff dem byer/Als der Prophet Oseas sagt. Sammaria hat  
iren Kunig lassen für vber geen wieder schau auff dē wasser/  
Darum mußt du diß alles glauben/nit darum das S. Peter  
geprediget hat sonder das dich got zu glauben geweyßt hat/  
Das rede ich darum/das ir wider kumbt auff das Euange-  
lium vñ merckt wū her der grūd fleußt das ir richter muß sein  
vñ habt macht zu vrteylen vber alles woz euch vorgeschlagen  
wirdt/darum das ich auff keynen menschen bauen kan/  
Der wegen laßt euch nit bereden das ir mußte glauben was d  
Papist sagt wan du got erkennst/so hastu schon ein richtscheit  
dz maß vñ elē/darnach du richten vñ vrteyle muß/vber alle  
ler/wen du weys dz christ vñser seligmacher ist. vñ regirt/2c  
vñ wir alle sampt sünd sein/Soden einer auf erden austrit vñ  
sagt du mußt ein münch werden solt also vñ also thun/wilt du  
selig werden/es sey nit allein genug der glauben. So kansen  
gewislich sagen/du leugst/dein leer ist falsch/den d in Christū  
gelaube der ist selig/dein ler ist falsch/Wer lernt dich das? ny  
mandt den der glauben im hertzen. Also das verhütten vñ  
versehen/wirt niemāts bekant den er sey ein geystlich mensch  
Dan also spricht S. Paul. 1. Corin. 2. Ein geystlicher mēsch



richt allerley vñ wurdet von niemandt gericht. Also kan die fal-  
schen lerer niemant richten / den der geystlich mensch. Da set-  
het ir nun das es ein vnfinnig ding ist / das die vngöttlichen  
menschen zusammen lauffen vñ machen Concilia / vñ setzen woz  
sie wöllenvñ etwa keiner da ist / der den geyst gottes geschma-  
cket hat. Wie den geschach in dē Concilio zu Ticeno / da gin-  
gen sie mit vns / vñ wolten gesetz machen vber den geistliche  
stand / das die priester mit elich solten sein / Da warn sie schon  
alle falsch / Da stund ein mensch auff paphnuci / vñ legt das  
alles nider / das im auch folget das ganz Conciliū vñ müssen  
von irem beschluß ab treten. Nicht also sprach er / das ist nit  
Christlich 2c. Darumb istis war das man spricht / die gelerten  
verkeren / Den got ist den hohen titteln vñ d menschen weisheyt  
ganz feint / Also müssen frey wir richter bleiben / das wir macht  
haben zu ortern / zu richten / zu vrteylen / zu verdamen / als woz  
der Babst setzt oder Concilia beschlyessen / nemen wir was an  
so sol es als geschehen das wirs nit darumb annemen das sy  
also sagen / sunder das sichs vergleycht mit vnserm gewissen.  
vñ der geschriffte Da haben sich vil heylig vetter geirret / als  
Gregori / Hieronim / vñ noch der heylig Augustinus / das sie  
vns das vrteyl genomen haben / Dañ der jamer vñ das hertz-  
leyd / ist zeitlich außgangen / das wir haben müssen glauben  
den Concilien 2c.

¶ Darumb mustu den also bey dir finden / damit du sagen kãst  
das hat got gesagt / So bald du sagst / der mēsch habes gesagt  
oder die Concilia / so wirstu auff den sandt barwen / Darumb  
ist kein richter auff erden / dañ der mensch der den warhafft-  
igen glauben in seinē hertzn hat. Er sey man oder weyb / Jung  
oder alt / gelet oder vngelert / den got siche nit an person / sond  
er eret alle die seinen geboten nach leben Das meynet Paulus  
da er zu den Corin sagt So dem zu hörer etwas wirt geoffen  
bart / so sol d oberer schweigen Da habt ir das dē knecht eben  
so wold der geist gottes geben wirt / alles dem hern / dem reichen  
als dem armen / Darumb wen zu mir einer keme vñ spreche /  
das ist vnrecht / das ist vngelaub / so muß ich schweygen / im

2 iiij

Concilia Nit.  
Zu den Vn-  
sern vergleycht sy.  
Dan wir gotes  
Vort.

Zu den glaub.  
Dan alles richtig



stadt vñ bescheydt geßē/ In weltlichen sachen get es wol also  
zu/ das ein alter klueger ist dan ein junger/ Ein gelerter meer  
weyß dan ein vnglerter vñ ein lay. Aber in geystlichen sachen  
mag ein kind/ oder knecht/ oder ein weyß/ oder lay/ als wol dy  
genad gottes haben/ als ein alter/ er sey ein Babst od Doctor  
Also sol sich in d gestalt keiner vber den andern erheben/ dan  
kein Babst/ kein gelerter sol dir nemen dein vrteyl/ du hast  
gleich als wol als er 2c.

¶ Nun wil ich sagen wer die falschen Propheten sein/ werden  
zu vnsern zeytten/ das kan nun niemants richten/ den allein  
der den geyst hat/ Aber sumā sumārū/ kurzvñ ist d Babst  
Bischoff Pfaffen/ Munnē vñ Munnich/ vñ das gāz Bep-  
liche regiment/ die haben alles das geleret/ was wider got ist/  
das wer nun lang zu beweren. Dan in allen stücken sichstu es  
Jedoch wöllen wir etliche sehen/ Gott hat gebotten/ das kind  
solt vater vñ muter dienē vñ vntertan sein vñ sy auff halten/  
So hat der Babst ein meinūg auf gebracht/ das ein mūnch  
oder nun/ Nicht mer vnder sein vatter sein/ sol ja sprechen/  
das kindt ist in dem geystlichen standt vñ gottes dienst. Nun  
got ist mer den der vatter vnd mutter/ darumb ist er nit schul-  
dig vatter vnd mutter zugehorsam sein/ sunder sie müssen dz  
kindt gnad juncker heysen/ Nun wen ich sprech/ was ist got  
tes dienst lieben herrn? Ist es glocken leitten/ oder kertz bren-  
nen/ oder ein schönes kleydt anziehen? Ich meynet vatter vñ  
mutter eren/ vnd das gebot gottes halten/ das solt gottes dienst  
heissen. Darumb mustu hie sagen. das diß der antichrist ge-  
lert hat/ vñ ich mag frölich sagen du leigst/ Sichstu wie got-  
tes gebot/ frey wider des Priors vñ Abts gehorsam stee/ Got  
hat dir ein vatter geben/ das du in erest/ vnd dienst/ vñ vnder  
tenig seyst/ der Babst gibt dir ein andern/ den du mehr erest/  
vnd dienst/ vnd vntertenig seyst. Also weiter/ man sol nicht  
zu todt schlagen nicht zornig sein/ nicht hassen/ das ist gottes  
gebot/ Solernet der Babst/ die geystlichen güter sol man nit  
lassen vntertenigen/ so es nicht hilfft/ so sol man das weltlich  
schwert anruffen/ den Papstlichen Stül zu beschützen/ Sich  
da seindt die Gepott Gottes/ vñnd des Babsts wider eyn



ander/ das versichet yederman wol Also mit dem Eelichen  
standt/ Got hat gebotten das man vnd weyb ein fleysch sol  
sein/ vnnnd das sie nicht geschayden sollen sein Nun hatt der  
Babst vil der gepot dar wider geben als wan eine den nimt  
der sie auß der tauff hot gehabt/ so sol man im die ee zureisse  
also auch/ wenn die geystliche eelich werde wy ir secht dz sy die  
ee zureissen/ nach ire fleischlichen rechten. Item wenn ymāds  
in blüt schanden felt/ vnd vereelichet sich mit seiner fründin/  
da gebeütt er sie sollenn bey einander beleiben/ da leß er zwey  
nackete in einem bette bey einander ligen/ vnd solt keins von  
dem anderen nicht macht haben/ eeliche pflicht zu fordern/  
Was ist das anders als wenn ich stro vnd feror zusammen legt/  
vnd verbute in/ doch das nicht solten brinnen.

¶ Weiter/ Got sagt du solt nicht stelen/ Nun wer stilt mehr  
den die grossen hanßen/ Das auch der Babst wol ein ertzdieß  
genandt mag werden/ der aller welt gut vnd gelt/ betrieglich  
zu sich zeucht. Also auch nymß das Erst gebot/ allein got ver  
trawen/ gotes hilff allein an ruffen. Soleren sie vns die zuuer  
sicht auff die werck stellen/ vnd leren vns andere heyligen zu  
helffern habē/ daruß sich stur dz dis volck dy recht geschafften  
falschen Propheten sein/ vor welchen wir vns hütten sollen/  
den sie heben vns gottes gebott auff vnd legen vns das gantz  
ernider.

¶ Darumß volget nun das Ander stück/ da Christus spricht/  
auß iren fruchten werde irs erkennen Nun wie ich gesagt hab/  
das erkennen auß den fruchten/ hat niemāts den der geystlich  
geborn ist durch got/ Darumß wer den gelauben nicht hat/ d  
kanß nicht erkennen/ kein mensch sold ecken das ers auß den  
fruchten erkennen kan/ er sey den gelaubig. Den die vngelaubi  
gen erzeygen zu zeychten frucht/ die der vernunfft/ gut vnnnd  
geystlich erscheinen/ Her widerumß die gelaubigen/ erzeygen  
auch etwo frucht/ die d vernunfft böß/ vñ vngeystlich geacht  
werdē/ Daruß kan man nit erkennen auß den werckē/ Den die  
recht frucht/ da bey sie erkent werdē/ sein inwendig im hertzen

*Das babst nist  
Lofwirdig  
gebot. vnd.  
Vn lob in  
offenbar.*

*babst nist in  
ertzdieß genant  
vnd*



Also ist die vernunft vñ dz ange mit richter. sond gottes geyst  
in vns / Du magst zwen schon menschen sehen. der ein ist ge-  
laubig. der ander nicht. vñd ist doch ein eusserlich werck / woz  
scheydts den: nichts den d gelauben vñ vngelauben im hertze  
das ich denn ein für güt ansich den ander nicht. Kurtz vmb-  
 auß den eusserlichen wercken allein. Kāstu nichts richten Tau-  
lerius hats auch erkendt / do er spricht. die gelaubigen vñd vn-  
gelaubigen offte gleich sein / in eusserlichen wercken / das sie nie-  
mant scheyden kan / Ja keines vernunft mocht sie vrteylen /  
sonder er habe den geyst / wie auch im Job geschrieben ist / Job  
39. Peña struthionis similis est: pennis herody et accipitris /  
der Strauß vñ der Habich / haben wol gleich federn. aber den  
noch fleugt der Habich / vñ der Strauß kan nicht fliegen zc.  
Darumb seindt sie nicht eyns / Also auch der gläubig vñd der  
vngläubig gleich in eusserliche wercke mögen sein / ye doch  
sein sie im gelauben inwendig geschiden im geyst. Die frucht  
aber des geistes sindt dise / wie sie Sant Paulus zu den Gala-  
tern erzelt am funfften Capittel. liebe / freud / frid / gedult / güt-  
tigkeyt / frümkeyt / langmütigkeyt / senfftmütigkeyt / trew-  
bescheydenheyt / messigkeyt / keuscheyt / Die frucht kann aber  
niemandt vñderscheydlich mercken / dan der geyst / darumb  
so solt gericht vñd vrteyl in eussern dingen nicht steen / Als im  
werck / oder personen / sonder im hertzen / Man erkendt wol ei-  
nen von den fruchten / aber allein durch den geyst.

¶ Ein gutter Baum / treget gutte frucht / die Opffel machen  
nicht ein Baum / sunder der Baum muß ehe sein den die frucht /  
Wā ich das verstee. so merck ich wol. das keyn werck so böß  
ist / das den menschen mög verdammē / auch keins so gut dz  
inmöcht selig machen sonder der gelauben macht vns selig  
vñ der vnglauben verdāpt vns. Das einer felt in den eebruch  
Das werck verdāpt in nicht. sonder der eebruch zeygt an das  
er von dem gelauben gefallen ist / der vordāpt in / sonst ist



nicht möglich das der eebruch verdäm̃e. Also das gutte Benn  
nichtz mach dan der glauben/vñ also sagt Johan Bap. Das  
der Baum sol agehawē werden/Er spricht nicht man  
sol die frucht abschlagen Darūß werck der lieb/mach  
chen mich nicht guett sonder allein der glauben  
indem ich dises werck thue/vñnd dise frucht  
bringe/der wegen müssen wir an dē gelaubē  
anfahen/der Babst secht aber an dē wer  
cken an/Gleich als wen ich sprech/wilt  
du ein guter Baum werden/so heb an  
vñ trag öpffel gleich als ich öpfel  
mocht tragē/ee ich ein Baū sey  
Söder ich muß sagē/wiltu  
öpfel tragen/so heb an  
vñ werdt ein Baum  
Darumß so muß der Baum zuvor  
sein ehe er frucht bringt/Also ist  
kein sundt auff erden/dann  
der vngelauben.

1522.





Handwritten text, likely bleed-through from the reverse side of the page. The text is mostly illegible due to fading and the texture of the paper.

